

գիտէր զգալունի խորհուրդս նոցա . մի յուսայք ասէր օգնութիւն գտանել 'ի նմանէ , հնազանդեցարուք ինձ և մի չիտթէք զբանն . զի Մուվէլլայն առանց իմ ոչ ինչ կարէ առնել , այլ պատրանօք ակն ունի առնուլ 'ի ձէնջ ինչս , եւ իօճաքեանն բարեմիտ՝ գիտելով զանհիմն գործս ձեր լռութեամբ վարի , եւ այսպիսի բանք բազում յերկուց կողմանց , և խստասրտութիւն Դատաւորին յուսարեկ արար զՀայս : Թէպէտեւ Նուրի Էֆէնտի ասէր գրեւ 'ի Դուռն զարարս Դատաւորին , այլ Հայք չառին յանձն , մի գուցէ երկարութիւն ժամանակին խոչ լիցի գործոյն :

Դարձաւ Ոստիկան Կուսակալին 'ի Դամասկոսէ , և ուրախութեամբ եմուտ յերուսաղէմ , ('ի 21 Յունիսի) , եւ 'ի վաղիւն կազմեցաւ ժողով 'ի Դատարան . ընթերցաւ հրամանագիր Կուսակալին , որ հրամայէր առնել զամենայն ինչ ըստ հրովարտակին , և վասն Բեթղէհէմի մի ումեք ընդիմանալ , և ոչ առնել կուսակցութիւն . Դատաւորն կորագլուխ եւ լուռ նստէր փակեալ զաչս իւր : Ոստիկանն ասէ՝ զի՞նչ ունիս ասել ով Դատաւոր առ այս . տա՛ս Հայոց բաժանորդութեամբ զԲեթղէհէմ ըստ մտաց հրովարտակին : Լռութիւն . Նուրի Էֆէնտի , յառաջագոյն ասէր՝ Թէ վճռեցի . ոչ տամ , այսօր ո՞րպէս կարէ ասել Թէ վճռեցի և ետու , և ստիպէին զնա թողուլ զլռութիւնն եւ պատասխանել , և ըստ արժանոյն գործել , և նա պատճառէր զտկարութիւն իւր : Ահաւասիկ Կեալուրք՝ զոր ինչ արժանն է խօսեցարուք և հրաման տուք , ինձ ոչ է անկ . զի դուք էք գործակալք Տէրութեանն : Ոստիկանն ասէ՝ ստիպեցեր զիս զնալ 'ի Դամասկոս . սակայն մի կարծեր Թէ զիս Բղէշխն կոչեաց , որպէս ասացեալ ես ամենեցուն , այլ հրամանաւ և գրով գործակալաց Տէրութեան գնացի պատմել զամենայն գործս քո , և զոր ինչ գրեալ էիր զինէն՝ լուայ անդ . այլ ինչ և իցէ , անցեալն էանց , այժմ զոր ինչ առնելոց ես , արա՛ . երաց Դատաւորն զփակեալ բերան իւր և սկսաւ խօսիլ զանպատեհս Տէրութեան՝ Կուսակալին և գործակալաց՝ բովանդակ մի ժամ . Նուրի Էֆէնտի մեղմով իմն կշտամբեաց զնա , Թէ դուք իբրեւ Դատաւոր Արքայի այսպէս հրապարակաւ անարգես զնա եւ զգիր նորին , ո՞րպէս պատկառեսցին ժողովականք . և մի-